

He Ngohe Aromatawai ā-Roto Mo ngā mahi whakamahere anake

Te Ingoa o te Ngohe: Te tuhiwaehere, hei tīmatanga

Aronga: Hangarau 1.2B

Paerewa Paetae: Hangarau 1.2

Kaupae: 1

Whiwhinga: 4

He Tohutohu mā te Ākonga

I tēnei ngohe

Ka tūhuratia ngā āhuatanga o tētahi tukanga hangarau hei tuhiwaehere nāu anō i whiriwhiri, i tautohu.

Te horopaki

Ko tāu mahi he tautohu i tētahi tukanga hangarau matihiko ka whāia ki te tuhiwaehere, me te tūhura i ōna āhuatanga. Me whakaatu ō mahi tautohu, tūhura hoki mā roto mai i tētahi o ngā putanga e rārangi mai nei (whiriwhiria tētahi):

1. He whakakitenga momotu, whakakitenga matihiko rānei
2. He whakairoiro pārongo
3. He pūrongo (ā-tuhi/ā-tā/ā-ataata rānei).

Ka aromatawaingia ngā mōhiohio kua kohikohia e whakamārama ana i te tukanga hangarau matihiko kua tautohua, kua tūhuratia hoki.

Ka pai tēnei ngohe mā te ākonga takitahi, mā te rōpū rānei. Mēnā ka mahi ā-rōpū, me āta whakarite e koutou ngā kawenga a tēnā, a tēnā.

Hei mahi

1. Tautohua tētahi tukanga hangarau matihiko me te pānga ki te mahi tuhiwaehere.
2. Whakaritea tō tukanga rangahau.

3. Whakatauhia ngā pātai ārahi. Koinei ētahi hei tauira, heoi anō me nui ake i ēnei:
 - a. He aha ngā momo tukanga tuhiwaehehere ki te taupānga?
 - b. He aha ngā momo tukanga tuhiwaehehere ki te taupānga Ao Niko?
 - c. He aha te pānga o te tukanga tuhiwaehehere ki ngā kēmu tuihono?
4. Torohia ngā puna mōhiohio. Hei tauira: ngā uiui, ngā pukapuka, ngā paetukutuku; ngā tuhinga nūpepa, maheni rānei; ngā wānanga; ngā pakipūmeka; ngā kiriata.
5. Whakatakotoria tētahi whakamāramatanga o te tukanga hangarau matihiko.
6. Tūhuratia te tukanga, ā, whakamāramatia ōna wāhanga me ōna āhuatanga.
7. Whakaaturia ō hua rangahau mā roto mai i tētahi o ngā putanga e rārangi mai nei (whiriwhiria tētahi):
 - a. He whakakitenga
 - b. He whakairoiro pārongo
 - c. He pūrongo (ā-tuhi/ā-tā/ā-ataata rānei)
8. Whakakōnaetia ō kohikohinga katoa hei taunakitanga mō āu mahi.

Kei wareware, me āta whakarite e kōrua/koutou ko te kaiako te roa o te wā e tutuki pai ai ngā mahi katoa.

Kuputaka

whakakitenga momotu	unplugged presentation (without digital supports)
whakakitenga matihiko	digital presentation
whakairoiro pārongo	infographic
hoahoa rerenga	flow chart